

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ

СЕКРЕТАРИЈАТ  
ЗАЈЕДНИЧКА СЛУЖБА

Сектор за међународне односе и протокол



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE

SEKRETARIJAT / TAJNIŠTVO  
ZAJEDNIČKA SLUŽBA

Sektor za međunarodne односе и протокол

Broj: 01,02,03,03/11-05-1-2727/23

Sarajevo, 19. 2. 2024.

KOLEGIJ DOMA NARODA PSBiH

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

5 PRIMLJENO: 22-02-2024

Organizaciona jedinica	Klasifikaciona oznaka	Redni broj	Broj priloga

Predmet: Izvještaj s Evropske parlamentarne sedmice 2024. – Međuparlamentarne konferencije o stabilnosti, ekonomskoj koordinaciji i upravljanju u EU, održane u **Briselu 12. i 13. februara 2024. godine**

Predsjedavajući Doma naroda Parlamentarne skupštine Bosne i Hercegovine (PSBiH) Kemal Ademović prisustvovao je u Briselu Međuparlamentarnoj konferenciji o stabilnosti, ekonomskoj koordinaciji i upravljanju u Evropskoj uniji (EU). Konferenciju, koja je održana u okviru Sedmice Evropskog parlamenta, otvorila je potpredsjednica Evropskog parlamenta Dita Charanzova. Učesnicima Konferencije uvodnim izlaganjem obratio se i predsjednik Evropskog vijeća Charles Michel. Konferencija je trajala dva dana na kraju koje su doneseni važni zaključci u vezi s budućom zajedničkom politikom EU u vrijeme belgijskog predsjedavanja Vijećem EU.

Predsjedavajući Doma naroda Parlamentarne skupštine Bosne i Hercegovine (PSBiH) Kemal Ademović susreo se, na marginama Međuparlamentarne konferencije o stabilnosti, ekonomskoj koordinaciji i upravljanju u Evropskoj uniji, s potpredsjednicom Evropskog parlamenta Ditom Charanzovom. Tokom razgovora predsjedavajući Ademović je informirao potpredsjednicu Evropskog parlamenta o trenutnom statusu ispunjavanja preostalih preduslova Bosne i Hercegovine za otvaranje pregovora o članstvu BiH u Evropskoj uniji, te zatražio da institucije Evropske unije donesu odgovornu političku odluku o otvaranju pristupnih pregovora s Bosnom i Hercegovinom. Potpredsjednica Evropskog parlamenta izrazila je punu podršku proširenju Evropske unije na cijeli region Zapadnog Balkana i iskazala želju za donošenjem pozitivne ocjene o napretku Bosne i Hercegovine o ispunjavanju preostalih uslova. Predsjedavajući Ademović zahvalio se potpredsjednici Charanzovoj na svesrdnoj podršci Bosni i Hercegovini i obećao da će Bosna i Hercegovina učiniti sve što je moguće da se usvoje preostala zakonska i druga rješenja kako bi Bosna i Hercegovina u martu dobila pozitivnu odluku Evropskog vijeća.

Tokom službenog boravka u Briselu, predsjedavajući Doma naroda PSBiH Kemal Ademović posjetio je Misiju BiH pri Evropskoj uniji kao i Ambasadu BiH u Briselu, te razgovarao s ambasadorom NJ. E. Obradom Kesićem i njegovim timom te ambasadorom NJ. E. Erolom Avdovićem.

Predsjedavajući Ademović se interesirao za pojedinosti trenutnih diplomatskih aktivnosti naše misije i ambasade u Briselu, posebno u kontekstu važne predstojeće odluke Evropskog vijeća za otvaranje pristupnih pregovora za članstvo BiH u Evropskoj uniji. Predsjedavajući je izrazio zadovoljstvo naporima koje ambasador Kesić i njegov tim preduzimaju da predstave ključni vanjskopolitički cilj Bosne i Hercegovine u Briselu, te im zaželio uspješan rad u budućnosti. Ambasador Avdović je također upoznao predsjedavajućeg o aktivnostima koje preduzima na unapređenju odnosa Bosne i Hercegovine i Kraljevine Belgije, imajući u vidu da je Brisel ne samo glavni grad Belgije već ujedno i sjedište ključnih institucija Evropske unije. Predsjedavajući Ademović ocijenio je da aktivnosti ambasadora svjedoče o njegovom predanom radu na promociji interesa Bosne i Hercegovine u Kraljevini Belgiji i zaželio mu sretan i uspješan rad u budućnosti.

Izvještaj pripremila

Amila Kličić

*Amila Kličić*

Stručna savjetnica – prevoditeljica  
za engleski jezik

Izvještaj odobrio

Kemal Ademović

*Kemal Ademović*

Predsjedavajući Doma naroda PSBiH

Dostaviti:

- naslovu
- Kolegiju Sekretarijata PSBiH
- Komisiji za vanjske poslove PDPSBiH
- Sektoru za odnose s javnošću
- a/a